



বিজ্ঞান অন্তর্দৃষ্টি

ISSN 2582-5674

RNI : WBBEN/2003/11192

বর্ষ - ২০

সংখ্যা - ২

মার্চ-এপ্রিল ২০২৩

মূল্য : ২০ টাকা

ক্যানসার সংকটে বর্তমান বিশ্ব

2023



প্রচ্ছদ কথা

- ক্যানসার রোগের সংকটে আধুনিক বিশ্ব
- ক্যানসার থেকে বাঁচতে কি খাব, কি খাব না?
- ক্যানসার সারাতে সিউডোমোনাস ব্যাকটেরিয়া
- টি সেলের রিসেপ্টর সব ক্যানসার সারাবে।

জয়শ্রী দত্ত

যারা হারিয়ে যাচ্ছে

(তালিয়ার)

“ঠাস ঠাস ক্রম দ্রাম, শুনে লাগে খটকা—
ফুল ফোটে...? তাই বল।
আমি ভাবি পটকা।”

সুকুমার রায়ের কবিতাটায় অতিরঞ্জন থাকলেও এটা ঘটনা যে কোন কোন ফুল ফোটার সময় সত্যি সত্যিই শব্দ হয়। নিস্তব্ধ রাত্রে ফুল ফোটার শব্দ গ্রামবাসীদের কানে আসে,—আর সে ফুলও হয় আশ্চর্যরকম। গাছটার নাম তালিয়ার।



এর বিজ্ঞানসম্মত নাম ‘কোরাইফা তালিয়ারা’ (Corypha taliera) গ্রীক শব্দ ‘Koruphe’ থেকে ল্যাটিন ভাষায় গণের নাম ‘corypha’ হয়েছে। ‘Koruphe’ শব্দের অর্থ হল ‘মাথা’ বা ‘শিখর’। গাছের মাথায় হওয়া বিচিত্র দর্শন পুষ্পবিন্যাসের জন্যই গণের নাম ‘কোরাইফা’ হয়েছে। বাংলা নাম ‘তালিয়ার’ থেকেই প্রজাতির নাম ‘তালিয়ারা’ হয়েছে।

তালিয়ার গাছটা দেখতে অনেকটা তালগাছের মত, তবে অনেক বড়। তালিয়ার গাছের কাণ্ড, পাতা বা পাতার বোঁটা সবই তালের থেকে বড়। তালের পুষ্পবিন্যাস বের হয় পাতাগুলোর মাঝখান থেকে। একটা তালগাছ বছ বছর ধরে ফুল, ফল দিতে পারে, কিন্তু তালিয়ার গাছের অঙ্গজ বৃদ্ধি শেষ হওয়ার পর ফুল ফোটে, তখন গাছের পাতাগুলো নিচের দিকে ঝুঁকে পড়ে, আর নৌকোর মতো মঞ্জরীপত্র দিয়ে ঢাকা পুষ্পবিন্যাস বেরিয়ে আসে সোজা উপর দিকে। পুষ্পবিন্যাসটা বহু শাখা-প্রশাখায় বিভক্ত। শাখামঞ্জরীগুলো আবার আলাদা আলাদা মঞ্জরীপত্র দিয়ে ঢাকা থাকে। ক্রমশ পরিণত হয়ে আসা পুষ্পবিন্যাসের চাপে এক সময় সবগুলো মঞ্জরীপত্র একসঙ্গে খুলে গিয়ে ভেতর থেকে সম্পূর্ণ পুষ্পবিন্যাস বেরিয়ে আসে। পুষ্পবিন্যাসের প্রধান মঞ্জরীদণ্ডের ও শাখা-মঞ্জরীদণ্ডের রঙ হলুদ রঙের। ফুলের রঙও হলুদ।

মঞ্জরীদণ্ডের ওপরে ৩-৬টা ফুল একসঙ্গে গুচ্ছাকারে থাকে। লম্বা শাখামঞ্জরী দণ্ডের ওপরে ফুলগুলোকে ঘন সমিবদ্ধ অবস্থায় দেওয়া যায়। গরমকালে ফুল হয়, তারপর ফল পাকতে সময় নেয় ১৫-২০ মাস। ফল পেকে বাঁরে যাওয়ার পর গাছটাও মরে যায়। সম্পূর্ণ জীবদ্দশায় একবারই গাছে ফুল, ফল হয়।



অপরিণত অবস্থান সাধারণ মানুষ তালের সঙ্গে তালিয়ারের তফাৎ ধরতে পারে না। ফুল হওয়ার সময়ই তফাৎ চোখে পড়ে। ১০ মিটার লম্বা গাছের ওপর ৬ মিটার লম্বা মঞ্জরীদণ্ড, সাধারণ কোন পুষ্পবিন্যাসের সঙ্গে এর কোন মিল নেই। আশি থেকে একশ বছরে একটা গাছে ফুল আসে, ফলে এমন গাছে ফুল ফুটতে দেখেছে সেরকম লোকের সংখ্যা খুবই কম। আবার ফুল, ফল হচ্ছে না তালগাছে এই ভেবে যদি কেউ তালিয়ার গাছ কেটে ফেলে তবে তো নতুন গাছ হওয়ার সম্ভাবনা সেখানেই শেষ। পাম বিশেষজ্ঞ ড শ্যামল বসুর কাছে শুনেছিলাম ১৯৮৬ সালে বীরভূমের শান্তিনিকেতনের কাছে এক গ্রামে একটা তালিয়ার গাছকে ভুতুড়ে তালগাছ মনে করে গ্রামবাসীরা কেটে ফেলে। গাছটা তখন ফল ধরার প্রাথমিক অবস্থায় ছিল।



স্বাভাবিক নিয়মেই গাছের পাতা ফল ধরার সময় শুকিয়ে যেতে থাকে, ঐ গ্রামের মানুষ তালিয়ার গাছ সম্বন্ধে কিছুই জানত না, ফলে তারা ভয় পেয়ে

নতুন গ্যালাক্সির সন্ধানে

আমাদের পরিচিত গ্যালাক্সি বা নক্ষত্রমণ্ডলী বলতে আমরা ছায়াপথ বা আকাশগঙ্গাকে (Milky Way) বুঝে থাকি। তবে আকাশগঙ্গা ছায়াপথের দিকে ছড়িয়ে আছে আরো কয়েকটি ছোট ছায়াপথ বা মহাকাশীয় মণ্ডলী। এই ধরনের উপগ্রহ নক্ষত্রমণ্ডলী বা স্যাটেলাইট গ্যালাক্সি সম্পর্কে নতুন করে গবেষণার প্রয়োজন হয়ে পড়েছে।



আকাশগঙ্গা ছায়াপথের দক্ষিণ দিকে আছে ম্যাগেলানিক ক্লাউড (প্রথম ছায়াপথ ভূ-পর্যটনকারীর নামে নাম) নামক একটি নক্ষত্রমণ্ডলী। দেখে মনে আসে আকাশগঙ্গা ছায়াপথের একটি বিচ্ছিন্ন অংশ এই ম্যাগেলানিক ক্লাউড। বেশ কয়েকটি ধূমকেতুকে এই ম্যাগেলানীয় মেঘপুঞ্জের মধ্যে দেখতে পাওয়া গেছে। এই আকাশগঙ্গা ছায়াপথের আরো কাছে চলে আসলে এই ম্যাগেলানীয় মেঘপুঞ্জ। এই মেঘপুঞ্জের মধ্যে তৈরি হচ্ছে এবং তৈরি হবে অসংখ্য নক্ষত্র। এই ম্যাগেলানীয় মেঘপুঞ্জ দুটি ভাগে বিভক্ত হয়ে গেছে। বর্তমানে ম্যাগেলানীয় মেঘপুঞ্জের প্রতিটির মধ্যে প্রায় ১৯ বিলিয়ন-এর মতো নক্ষত্র আছে। তবে, অনেক জ্যোতির্বিজ্ঞানী বলছেন বড় মাপের ম্যাগেলানীয় মেঘপুঞ্জের মধ্যে ৩০ বিলিয়ন নক্ষত্র আছে। বড় ম্যাগেলানীয় মেঘপুঞ্জের মতনই আরেকটি ঘূর্ণির মতো (স্পাইরাল) নক্ষত্রমণ্ডলী— ‘ইঅ্যাপুলাম গ্যালাক্সি’ বা ‘এম-৩৩’-কে খুঁজে পেয়েছেন জ্যোতির্বিজ্ঞানীরা।



হাবল্ মহাকাশ দূরবীন-এর মাধ্যমে ম্যাগেলানিক ক্লাউড-এর গতিবেগ নির্ণয় করা সম্ভবপর হয়েছে। এই মেঘপুঞ্জের পিছনে প্রায় ২০ কোটি আলোকবর্ষ দূরত্বে অবস্থিত রয়েছে বেশ কয়েকটি কোয়াসার জাতীয় তারা। ম্যাগেলানীয় মেঘপুঞ্জ সর্বদাই ঘূর্ণায়মান, পরিবর্তনশীল। দুটি ম্যাগেলানিক ক্লাউড-এর মধ্যস্থিত নতুন তারা তৈরি করার জন্য পর্যাপ্ত হিলিয়াম, হাইড্রোজেন, ও অক্সিজেন-এর মতো বিভিন্ন গ্যাস মজুত আছে। ম্যাগেলানীয় মেঘপুঞ্জের মধ্যে আছে ‘টারান্টুলা’ নামক একটি উজ্জ্বল নীহারিকা বা নেবুলা।



এইরকম আরো নেবুলা তৈরি হয় ম্যাগেলানিক ক্লাউড-এর মধ্যে। এখানেও মধ্যে আছে ‘সুপারনোভা’ গোত্রের অনেকগুলি তারা। প্রতিমুহূর্তে শতাধিক তারার মধ্যে বিস্ফোরণ ঘটে চলেছে। ধ্বংস হচ্ছে, আবারও সৃষ্টি হচ্ছে নতুন কিছু নক্ষত্র। এক ব্রহ্মাণ্ডীয় ভাঙাগড়ার খেলা নতুনতুন ভাবে চলেছে ম্যাগেলানীয় মেঘপুঞ্জের মধ্যে। হাবল্ মহাকাশ দূরবীন থেকে তোলা এই ছবি মাধ্যমে জানতে পারা গেছে কিভাবে আজ থেকে লক্ষ লক্ষ বছর আগে ম্যাগেলানীয় নক্ষত্রের জন্ম হয়েছিল। সুপারনোভাটি থেকে ঘন্টায় ১১ মিলিয়ন মিলিমিটার গতিবেগে মহাজাগতিক ধূলিকণা ছিটকে বেরিয়ে এসেছিল। আদিকালের নক্ষত্র প্রলয় বিস্ফোরণের সাক্ষী এই ম্যাগেলানিক ক্লাউড।



মিল্কিওয়ে এবং ম্যাগেলানিক ক্লাউড-এর চারদিকে বেশ কয়েকটি নক্ষত্রমণ্ডলী সন্ধান পাওয়া গেছে। যেমন, স্কালটন, ফোম্যাক্স, সেক্সট্যান্স, স্যাজিটারি, হারকিউলিস, সেন্টুরে, ড্রাকো, ক্যারিনা ইত্যাদি। মহাকাশবিজ্ঞানীরা জানিয়েছেন ম্যাগেলানীয় মেঘপুঞ্জের মধ্যে যে পরিমাণ গ্যাস আছে তা দিয়ে আগামী ১০ লক্ষ বছরের জন্য পারমাণবিক শক্তির যোগান দেওয়া যায়। ভবিষ্যতে ছায়াপথের এই ছায়াসঙ্গী ম্যাগেলানিক ক্লাউড থেকে আমরা মহাকাশ সন্ধান ও বিশ্বব্রহ্মাণ্ডের উৎপত্তি সম্পর্কে আরো অনেক তথ্য নিঃসৃত করে জানতে পারব।

যারা হারিয়ে যাচ্ছে

গাছটা কেটে ফেলেছিল, সেই সঙ্গে শেষ হয়ে গেল বাংলার অতি বিপন্ন একটা গাছের নতুন করে অঙ্কুরোদ্গমের অনেকগুলো নিশ্চিত সম্ভাবনা। তালিয়েব গাছটা কেটে ফেলেছিল, সেই সঙ্গে শেষ হয়ে গেল বাংলার অতি বিপন্ন একটা গাছের নতুন করে অঙ্কুরোদ্গমের অনেকগুলো নিশ্চিত সম্ভাবনা। তালিয়েবগাছের বীজ যেখানে পড়ে সেখানেই গাছটাকে বড় হতে দিতে হয়, কারণ প্রথম পাতা বের হওয়ার আগেই গাছের শিকড় অনেক লম্বা হয়ে যায়, তাই এক জায়গা থেকে চারা তুলে অন্য জায়গায় পুঁতলে, শিকড়ের ক্ষতি হওয়ার জন্য গাছ বাঁচানো যায় না। গাছটা নিশ্চিহ্ন হয়ে যাওয়ার এটাও একটা কারণ। এ.পি. বেনথাল তাঁর 'ট্রিড অফ ক্যালকাটা অ্যাণ্ড ইটস নব্বারহুড' বইটাতে লিখেছিলেন ১৯৪৩-তে তিনি হাওড়ার উদ্ভিদ উদ্যানের বাইরে তালিয়েব গাছ দেখেননি। ১৯৯৮ সালের কথা। একদিন সকালে ড শ্যামল বসুর ফোনাঘাত। একবার সময় করে চলে আসো হাওড়ার বোটানিক গার্ডেনে, ওখানে তালিয়েব গাছে ফুল ফুটেছে। এবার না দেখলে জীবনে আর দেখতে পাবে না, মেয়েকেও নিয়ে যেও, ও আর দেখতে পাবে কিনা জানি না। ড বসুর কথা মত নানারকম ক্যামেরা, লেন্স, ক্যামেরা বসানোর ত্রিপোড (Tripod) নিয়ে সৌমেন আমি তিনি হাজির হলাম পরের রাববার, শতাব্দীতে একবার ফোটা ফুল দেখার জন্যে।



ল পরিণত হওয়ার সময় গাছের পাতা ক্রমশ শুকিয়ে ঝরে যেতে থাকে। ফল ধরার সময় গাছে আর পাতা থাকে না তখন ১০ মিটার স্বা কাণ্ডের ওপর ৬ মিটারের প্রধান পুষ্পমঞ্জরীদণ্ডটাকে নিচ থেকে কাণ্ডের অংশ মনে হয়, আর শাখাপুষ্পমঞ্জরীদণ্ডগুলোকে প্রাখা-প্রশাখা মনে হয়। ১৯৯৯ সালে এই গাছটা ফুল, ফল দেওয়া সম্পূর্ণ করে। ওটা মরে যাওয়ার পর এখন আর দেখে চিনতে পারার তো বড় গাছ ওখানে নেই।

ড শ্যামল বসুর (পাম বিশেষজ্ঞ) কাছে জানা যায় ২০০১ সালে ঢাকা বিশ্ববিদ্যালয়ের এলাকায় তিনি ও বিজ্ঞানী সালার খান একটি তালিয়েব চিহ্নিত করেন। ২০০৮ সালে ফুল, ফল দেবার পর গাছটি মারা যায়। বর্তমানে পৃথিবীর বন্য পরিবেশ থেকে বিলুপ্ত তালিয়েব। বিজ্ঞানী শ্যামল বসুর মতে হাওড়ার উদ্ভিদ উদ্যানের বাইরে এটি নেই একমাত্র তালিয়েব। ২০০৮ সালে ওটা ফুল দেওয়া শুরু করে, ফুল দেওয়ার শেষে ২০১২ সালে ওটা মারা যায়।



১০ জুলাই ২০১৬ সালে আনন্দবাজার পত্রিকায় প্রকাশিত খবর অনুসারে ('গৌতমের হাত ধরে ফিরল বিরল তালিপাম') রামপুরহাট ছাত্রা হাইস্কুলের প্রধান শিক্ষক গৌতম রায় ঢাকা বিশ্ববিদ্যালয় থেকে পাঁচটি চারা এনে বিশ্বভারতীতে লাগান।

২০১৫ সালের ৫ অক্টোবর প্রকাশিত বাংলাদেশের দৈনিক পত্রিকা 'প্রথম আলো'র খবর অনুসারে ঢাকা বিশ্ববিদ্যালয়ের বাগানের মালী জাহাঙ্গীর আলম ঐ ২০০৪ সালে ফুল দেওয়া গাছের বীজ থেকে চারা তৈরি করতে সক্ষম হন। সেসব চারার কয়েকটা ঢাকা বিশ্ববিদ্যালয় ছাড়াও রাজশাহী ও কুমিল্লা বিশ্ববিদ্যালয় ছাড়াও ওখানকার বনবিভাগে দেওয়া হয়। প্রথম আলোর খবর অনুসারে সে সময় মোট ৩০০টি চারা তৈরি করা হয়েছিল।



হিসেব মতো সেসব গাছের ফুল আমরা দেখে যেতে পারব না। বাংলার অতি বিপন্ন এই গাছটা সম্পর্কে যদি সাধারণ মানুষ সচেতন হয় তবে কোথাও যদি গাছটা থেকে থাকে তবে তার খোঁজ পাওয়া যেতে পারে। আবার বহুদিন কেটে গেলেও বিশেষ কোন তালগাছে ফুল ধরছে না বলে গাছটা কাটার আগে খোঁজ নিয়ে জানা যেতে পারে গাছটা তালিয়েব নয়তো...।

IUCN-এর Red list অনুসারে এই গাছটা বন্য স্বাভাবিক অবস্থায় পৃথিবী থেকে বিলুপ্ত লেখা হয়েছে।